

DISPUTATIO MEDICA

INAUGURALIS

DE

# Epilepsia Puerorum.

Q V A M,

PRÆSIDE DEO OPT. MAX.

*Ex Authoritate Magnifici Rectoris,*

D. THEODORI RYCKII, J. U. D.,

in Illustri Academia Lugduno-Batavâ Professoris  
Historiarum & Eloquentiæ,

NEC NON

*Amplissimi Senatûs Academici Consensu, & Almæ  
Facultatis MEDICÆ decreto,*

PRO GRADU DOCTORATUS,

Summisque in MEDICINA Honoribus & Privi-  
legiis ritè ac legitimè consequendis,

*Publico examini subjicit*

JOHANNES BAPTISTA PEIERLIN, Aug.-Vind.

*Ad diem 13 Aprilis, loco horisque solitis.*



LVGDVNI BATAVORVM,

Apud ABRAHAMUM ELZEVIER,

Academiæ Typograph. MDCCLXXXII.

DEO  
PATRIÆ  
ET  
PARENTIBUS.

D. D.

JOHANNES BAPTISTA PEIERLIN,

*Med. Cand. Augustano-Vind.*

AUCTOR.



## T H E S I S I.



ria esse morborum genera maxime difficilia, Medicisque omnibus etiam insignioribus, vix unquam debellata, omnes plane auctioris ingenii Medici facillime ex eorundem difficilissimis curationibus cognitum erit. Etenim ubi Medicus puriore doctrina institutus omnia duplici modo & ratione, duplicique ex fonte Curationem suam instituere debet, maxima videtur esse difficultas; Primumque genus est, quod denotare volumus, morborum senilium; quippe qui (paulatim deficientibus naturæ viribus) ad Cymbam Charontis properant magni certè momenti erit hosce ex Orci faucibus posse revocare, Morbis eorum longe difficilioribus, & ob memoratam causam magis periculosos existentibus. Secundum genus est utero gerentium, nam cum in illis duplex forma, Medicus utrique parti studens, maximam navare debet operam, ne quid peccetur in hac vel in illa. Tertium est quod vocamus difficile genus morborum infantilium; in illis enim sæpissimè exactissimus Practicus, dubius hæret, quippe qui ex patiente nihil elicere potest, sed omnia prælagire debet: Equidem in hisce vix aliquid veri ex externis signis colligere licet. Uti sunt ex doloribus, vagitus, ex spirituum tarditate, somnolentia, quæ omnia quânam in parte præcisè hæreant, divinare cogitur Medicus; in hisce tribus (teste experientiâ) omnes Medici, tam Neoterici quam Veteres curas, meditationes, cogitationesve, labores denique omnes intendunt, ut hisce difficilissimis malis eo melius adjuatricibus manibus adesse queant. Quid autem hætenus sit præstitum, hac in re eorum scripta testantur. Gravitate itaque horum morborum ductus non abs re me facturum arbitratus sum, si hac vico pro ingenii mei tenuitate, ex hisce tribus modo memoratis, affectum aliquem, eumque satis periculosum, eligere voluerim, hunc scilicet quem vocant Epilepsiam puerorum, idque cum brevi pro modulo disputationis descriptione



evolvere jam dum animus sit, subsidio, Præsidioque huc adsis  
summe Parens Jehovah.

I I.

Epilepsiam quod attinet originem habet à Græco, uti plerique alii morbi *ἀπὸ τῆς Πιλαμβάνεσς*, quod invadere, prehendere, ita ut quasi uno impetu in momento hoc vel illud subjectum apprehendat, vocare voluerunt, alii à corripiendo deductum volunt hoc vocabulum consentientibus tam Veterum quam Neoterico- rum monitis. vid. Blancard. Lexic. Sylv. in Capite de Epilepsia. Burnet. Thesaur. observ. Germanis vocatur die Schwere noth. idem quod Belgæ die vallende siechte / St. Jeans Euvel. Galli le hault mal s. grande malum appellant.

I I I.

Consecutus autem est hic affectus plurima nomina. Sic Græcis vocatur νόσος ἱερή morbus sacer, ac si præ reliquis singulare quid in se haberet & à Deo quasi esset immissus, modo peculiari, quod autem nostri hoc seculo viventes Medici minime ita interpretari queunt; cum unus morbus non plius quam alter sacer vocari mereatur. Nos ergo cum Curtio Marinello dicimus, eos falsa esse opinione deceptos sacrum qui hunc nominare solent affectum: suntque tales homines Magi, expiatores, circulatores, & arrogantes, qui se vehementer esse pios simulant, & amplius quid scire; hi itaque consilii, & mentis inopiam velantes, ac divinitatem prætexentes, cum nihil haberent quod exhibitum prodesset, ut ne manifesta fieret eorum ignorantia, sacram hanc affectionem esse pronunciaverunt. ab Hippoc. lib. de Morbo sacro. Rectè vocatur Magnus, cum maximum hoc vocari queat malum. Aliis vocatur morbus Herculeus ob resistantiam Herculeam quam oppressi significant. Non raro vocatur Comitialis morbus; idoneus v.g. ad Comititia dissolvenda. Piaculum enim erat apud antiquos habere Comititia viso Epileptico; sic enim ait Q. Serenus:

*Est subiti species morbi, cum nomen ab illo est  
Quod fieri nobis suffragia justa recusant,  
Sæpe etiam membris atro languore caducis  
Concilium populi labes horrenda diremit.*

vid. pluribus Galcotii Martii Narniensis de homine l. 2. p. m. 52.  
Vocatur etiam à quibusdam. Lunaticus, ab aliis caducus. Morbus  
tandem vocatur infantilis, ideo quod infantibus communissimus  
sit, cujus rei testimonium videri potest apud Jasonem Pratenf.  
apud Lommium & alios, quam denominationem etiam nobis ma-  
gis hac in parte arridere, quippe scopo nostro convenientem, in-  
confesso est.

## I. V.

Non autem est quod hic quidam sibi imaginentur, nos pecu-  
liarem affectum facere, dum Epilepsiam dicimus puerorum. Re-  
verà enim Epilepsia puerorum & adultorum, si naturam spectes,  
modumque afficiendi non differunt. Sed si circumstantias causas-  
que hæc vel illas peculiares consideres, aliquo modo admitti po-  
test differentia. Huc accedit quod differant in subjecto inhæſionis.  
dum Epilepsia vel adultis aut pueris inhæreat; cum causæ ex  
fontibus aliis deduci queant, & etiam Doses Medicamentorum  
alia atque alia methodo corrigendæ, propinandæ, exhibendæ sint.  
Qua de re Autores levem hancce facere voluerunt distinctionem,  
inter quos sunt primarii Sennertus, Mercurialis, & Cl. D. D. Et-  
mullerus Practicus Lipsiensis felicissimus.

## V.

Missis hisce ad descriptionem nos accingimus, quam talem  
putamus, nempe Epilepsiam puerorum esse motum convulsivum à  
spirituum animalium turbata mixtura & agitatione in nervos o-  
riundum, cum functionum principalium læsione gravi, & corporis  
totius proſternatione.

## V. I.

Oriri autem solet hic affectus frequentissime ex variis causis  
tam internis quam externis. Ita si illa quæ excernenda reti-  
neantur. v. g. Meconium: Illud enim cum retinetur ut jussu tem-  
pore non excernatur, multum mali hac in parte excitare poterit:  
cum enim exinde oriatur alvi obstructio, ejusdemq; in intestinis ad-



hæsiō, acrimoniâ suâ rodendo intestina, malum auget, particulas suas acriores toti corpori communicando. Uti hoc à Practicis multis eleganter observatum fuit, teste Excell. Carol. Drelin-court. hoc in Celeberrimo Athenæo Lugdunensi Profess. Celeb. ordin. in suis enim observationibus MStis accurate satis annotavit, Meconium retentum nil aliud esse quam aliquam substantiam rudiorē, acidam, caseosam, à nutritiva illa per præcipitationem separatam, quod nil aliud nisi damnum infanti posse inferre in confesso est. Hujus rei testis Petrus Pachequus obs. 50 apud Burnet. de filio suo obstructione alvi laborante Epilepsiâ pereunte.

## V I I.

Altera Causa ex Retentis, insensibilis est transpiratio læsa. namque hujus morbosa occlusio, obstructionem cum toti corpori inferat, facillime causa multorum malorum existere poterit. Nota enim est hujus in omni ætate, & utilitas & necessitas, quâ ex parte ablata, ne minimum tempus sani incolumesque permanere licet. Præ cæteris autem, infantes tenelluli, cum sæpius reficiantur alimentis, non abs re quoque esse potest, quin pro copia hujus etiam copiosa requiratur perspirabilitas: Uti hoc doctiss. Sanctorius in Medicina sua Statica satis eleganter observavit, qui omnium ferè morborum principia ex perspirabilitate insensibili læsa, non sine ratione probare nititur. Etenim, quod corpora recens natorum infantium attinet, necesse omninò erit, ut nutrimenti tam universalis in MS. deducti, quam etiam peculiaris, hinc inde ad nutriendas partes distributi puritas, ab omni sæcum convenientium mole facta tectaque fervetur: aut si qua forsan particulæ aliquæ nutritioni minime convenientes admixtæ forent, ut per insensibilem transpirationem penitus eliminentur, ne sanguinis mixturam æqualem inconvenientibus suis particulis turbantes, indeque tam pro spiritibus, quam nutritioni usque & usque inservientes, totum corpus inficiant, & horrida symptomata proferant, imò & proli dolor! sæpissime exitialem interdum abitum parvulis afferant infantibus.

## V I I I.

Secundum genus causarum instituere solent assumta. sc. Potus & cibus.



cibus. Cibus & potus equidem infantum, cum sit vel in lacte vel in pulve constitutus, ex hisce male digestis & concoctis, multa posse oriri incommoda experientiâ constat. primum numerum ex hisce faciunt potulenta ut lac, cerevisia, uti & aqua saccharatis mista. Lactis vitia, varia esse, etiam illi qui prima Medicinæ fundamina attigerit innotescere potest. Fermentum enim stomachale infantulorum alterationem pati potest magnam si lacte materno frustretur infans. Sic observatum fuit morborum varia genera & semina una cum lacte nutricis ascititiæ in infantem esse transplantata. Sic Lithiasin ex nutrice calculosa in puerum esse deductam notat *Helm. tract. nutrit. infant. ad vit. longæv.* Sic omnes morbi contagiosi facile ex matre cum lacte in fœtum derivari solent.

## I X.

Lac autem variis modis nocere potest. cum enim singularis sit massa ex variis nutritivis particulis constans, probare licet ex eo, quod Matris nutrientis mammae præbentis odor, in lacte multorum assumptorum, adhuc recens, inveniatur. Item quod si Matribus purgantia exhibeantur remedia, infanti quoque postea lac præbeatur, statim lac Maternum in infante quoque hujus medicamento vires exercebit. Ex hisce satis superque innotescere potest, lactis mixturam dependere omnimodò à cibo, vel à potu à matre assumtis. Si jam in hisce peccatum aliquid foret à matre, illud statim etiam à fugente sentiri poterit. Sic verbi gratia illis nocet nimia aciditas, una enim cum lacte ad infantem perveniet. Item si Materia viscosior aut glutinosior, ad mammae simul cum lacte pertingat, aut si innumerabilibus aliis modis perversa mixtura lactis reddatur, quæ à puerulo avidè assumpta, fermentum ventriculi perturbare, quo turbato, M. S. neam inconvenientioribus particulis destruere, destructa hac, inordinatos generare spiritus; generatis hisce totam œconomiam animalis; & exinde varia symptomata, (quibus hic non ster affectus merito adnumerandus) procurare valet. Adde quod lac facillime acorem contrahat, & infesta aciditate bilem inficiat, quæ acido & austero Sale sanguinis massam perturbans, frequentissimam Epilepsiæ puerorum præbet occasionem. cujus præsagium nutrices ex facibus æruginosis & acidum spirantibus colligere solent.

Alia præterea potulenta infantibus propinant Matres; cum enim non sufficere videtur, harum lac, in auxilium vocant lac vaccinum, caprinum. Nos autem caute hisce in rebus agendum esse judicamus, semperque prospiciendum an & vaccæ & capræ sano sint in statu. Illa lacticia cum infanti non sint appropriata lactis instar materni, facillime in iis obstructions, multaque mala efficere solent; & etiam ad Epilepsiam generandam conducere possunt. Defectu horum Matres ad alia sese convertunt, cerevisiamque propinant, cujus usum in totum negare non possumus, experientia edocti, permultum profecisse pueris: Autores saltem sumus ut in illa seligenda & propinanda sedulæ sint Matres. Ea enim quam vocamus generosior, cerebrum infantum, spiritusq; animales perturbare valet. Exulet etiam cerevisia acida, Massam sanguineam suo acore corrumpens, & ad Epilepsiam disponens. Videant Matres ne nimis propinetur frigida, nec nimis calida; hisce enim in conditionibus ubi peccatur facillime innumerabiles morborum facies miseris hisce inferri solent.

## X I.

Accedit hisce pultis usus, in quo primo spectanda est præparatio. Etenim vel ex farina cruda, vel cum Aq. simpl. lacte & saccharo cocta infantibus exhibent. Quam facile hæc in acidum transire queant, naturæ scrutatoribus clarum est. Accedit quod interdum nutrices infantibus, ob defectum lactis, pultem præbeant nimis copiosam, qua ventriculus irritatus, ingurgitata rejicere cogitur, quod si vero retineat, non nisi cruda & austera, tam pro nutrimento, quam pro spirituum generatione sanguini suppeditare queat. sic quoque multis perperam in usu est pultem primò gustare eamque saliva inficere & imprægnare, quod multum facere potest ad pultis infaustram in Ventriculo elaborationem.

## X I I.

Tertiò causa hujus nostri affectus plurimorumque aliorum esse potest Aër. Etenim cum ille purus optime conducat, tam ad Vi-



tam Matris, quam etiam infantis, ita quoque; è contrario si quibusdam inimicis particulis repletus damna quam plurima inferre dicitur: Venum aërem Epilepsiam proferre, ab Hippocrate affirmatur Sect. 111. aph. 20. Τῷ μὲν γὰρ ἡρῶ τὰ μαννικά, καὶ τὰ μελαγχολικά, καὶ τὰ ὑπληπτικά &c. Vere quidem furores, Melancholia, morbi Comitiales &c. Illam fieri autumnino, Senex noster Sect. ead. aph. 22. concedit, ubi dicit: Τῷ δὲ φθινοπώρῃ καὶ τῷ θερινῶν τὰ πολλὰ . . . . ὑπληπτικά &c. Autumnino vero plurimi astivi morbi sunt, Epilepsia &c. Humanum genus Epilepsiam tempore vexare pluvioso, idem observat Hippocrat. Sect. 3. aph. 16. ait enim Νοσήματα γὰρ ἐν μὲν τῇσιν ἐπομβρίῃσιν ὡς τὰ πολλὰ γίνεται πυρετοῖτε μακροὶ καὶ ὑπληπτικοί. Morbi per assiduos imbres magnæ ex parte, sunt febres longæ, comitiales morbi. In Vere enim cum aër incipit, potentiâ solis aliquo modo effervesce particulis humidioribus ex Terra in aërem elatis, morbi comitiales evenire solent; propter multas heterogeneas particulas in aëre latitantes, se cum sanguine permiscentes, ejusque mixturam diversimode perturbantes. Autumnalis autem aër, itemque pluviosus, cum humiditate superabundanti corpora infantum inficere solet, facillime hac ex causa Catarrhi, Tussis, Asthma oriuntur, uti observ. Experientissimus, clarissimus B. M. D. D. Sylv. de le Boe in App. Prax. Med. tr. 1. c. 6. §. 44. ubi narrat de infante Bimulo forsan, cui cum supervenisset tussis suffocans, quâ ubi aliquot dies fuisset vexatus, tandem Epilepsia correptus fuit.

## X I I I.

Huc quoque animi Pathemata aliquid conducere, res non adeò obscura, practicisq; omnibus haud innota. Infantes enim licet minores, tamen affici ira, gaudio & tristitia experientia docet quotidiana. Etenim irâ vix major affectus esse potest, dum enim tremimus irati, spirituumque motum invertimus, hinc postea multi convulsivi motus, spasmi, dolores, & hujusmodi genera morborum, facillime ortum suum deducunt; irâ enim fomes morbosus excitatur, novasque acquirit Vires, ut apud autores videre est. vid. Joh. Fortis centur. Consult. p. 30. edit. ult.

Sonnum & Vigiliis excedentes hoc in affectu aliquid attribueré, colligere licet; Somnus quippe, quo nihil melius infantulis esse potest, à naturali vel deficiens, vel eundem excedens, ad varios pavores, inquietudines, fermentationes perturbatas, indeque constitutiones à sanitate deviantes, immò ad variorum denique morborum symptomata facillime anſam præbere potest.

## X V.

Ex hiſce modo dictis cauſis jam patet quod Maſſa ſanguinea acrimoniâ infestâ infici queat, ita ut particulis ſuis ſcindentibus & pungentibus, volatilioribus cerebrum, hujusque contextum fibrarum perterebrare, ſpirituumque animalium motum invertere, & ita Epilepſiam inferre poſſit, malignam ſpiritibus animalibus conciliando fermentationem, & motum.

## X V I.

Conceptibile eſt à nativitate infantibus fomitem Epilepſiæ poſſe eſſe congenitum, qui ſi poſtea aliqua cauſa adjuvante irritetur, malum hoc atrociffimum infantibus, ſumma cum Parentum perturbatione excitare valet. Ille autem ſi qua forſan, parte aliqua ſolidâ inhærare contingat, ita ut vix medicamenti ad locum eundem pateat plenis viribus aditus, in diuturniorem ruere ſolent morbum. de hiſ ſatis, hæſce lineas paucis attingere lubuit & pro tenuitate noſtra facile ſufficientes erunt, cum reliqua ab Autoribus ſatis luculenter ſint propoſita.

## X V I I.

Conferimus ergo nos ad differentias hujus noſtri affectus, quæ autem variæ, ita ut ferè quiſque peculiare quid in hiſ enodandiſ ſibi inveniât. Nos comuniffima methodo aliam dicere poſſumus Idiopathicam, aliam verò Sympathicam, quamvis multi ſint qui contrarium hac in parte ſentiant: alii cauſam, naturam, & conditionem in differentiis hujus enodandiſ ſpectant, dum vocant  
aliam



aliā sanguineā, pituitosā, biliosā, melancholicā, feminalem. Quæ tamen differentia nobis non arridet: alii excogitant sensatā & non sensatā, & quas imaginationes & somnia hac in parte pro veris venditant. Epilepticum vidit non cadentem Donatus, stantem Benivenius, sedentem Dodonæus, cursitantem Erasus & alia hujusmodi exempla; quas tamen Epilepsias haud veras, sed nothas esse putamus. Nobis Epilepsia alia erit contumax, id est nullis cedens auxiliis, alia erit mitis quæ curatur facile, alia erit nobis recens, alia quodammodo inveterata, alia hæreditaria, alia periodica, eæque vel simplices vel aliis symptomatibus combinatæ.

### X V I I I.

Missis differentiis nos accingimus ad ipsa hujus affectus signa, quæ ut varia esse poterint, quæ hunc affectum præcedere solent brevibus videbimus; Imminentis autem Epilepsiæ, est frigus, præprimis digitorum, visus turbatus, à celeri motu spirituum, odor foetens, tinnitus aurium, sensuum hebetudo, tremor, somnus inquietus, pavor in somno, dolores acuti, pallor faciei, pulsus inæqualis celer, Urina pro re nata crassa. Excreta æruginosa, interdum vermes excreti; Alia signa quæ hac in parte ponenda essent, pro nostro instituto, ampliores requirunt paginas.

### X I X.

Cæterum quoque præsentis Epilepsiæ certi reddimur ubi spuma oris prodit. & ejus rei Clarissimus quidam Amicus paucos ante dies nobis communicare voluit observationem satis curiosam. De spuma Epileptici cujusdam infantis ætate viginti 6. circum circa septimarum, in cujus spuma extra os panno coccineo collectâ vermiculos vidit & detexit viventes. vid. Forest. obs. 65. l. 10. & Burnet. p. 292. puer enim dicit triū annorum cum Epilepsia corripere simul vermes mortuos ejiciebat. Symptomata Epilepsiæ plerunque sunt varia. v. g. febris quæ ut plurimum continua esse dicitur, lenta tamen. Aphonia interdum eandem comitatur Epilepsiam. Præcipites ruunt, clamores edunt, quod experientia edoctus non semel vidi, pollices

in manibus claudunt. vid. obs. supra citati Foresti. 53. lib. 10. de cerebri morbis, quanquam eadem observatio non proprie pueros spectet, sed virum, nihilominus tamen quo possibilitatem rei ostendamus hancce addere lubuit observationem. Oculis transversum vident; rigores, stertores, tremores, horrores, contorsiones membrorum, pandiculationes, oscitationes adesse solent. Haud tamen in omnibus cum pro modulo fomitis non semper malum unam eandemque faciem præ se ferre possit.

## X X.

Prognosin quod spectat illa instituitur ex modo dictis. Est autem affectus morbus periculosus per se, qui periculosior invadit si symptomata superveniant graviora. Hæreditaria vix remediis cedit. Senex noster de hujuscemodi morbis hæc in verba erumpit. Sect. 7. §. 7. τὰ ὀφθαλμικὰ ὀκρόσισι περὶ τῆς ἡβης γίνεται μετὰ τινι ἰσχυρῇ. ὀκρόσισι δὲ πέντε ἢ εἴκοσι ἐτῶν γίνεται, τέττοισι τὰ πολλὰ ξυναποθνήσκει. Quibuscunque morbi Comitiales fiunt ante pubertatem, mutationem accipiunt, quibuscunque autem anno vigesimo quinto, ferè commoriuntur. Estque hic affectus morbus periculosissimus & inter acutissimos recensendus, quia aliquando paroxysmus una hora eripuit hominem. Ita maxima difficultas si malum est hæreditarium, itemque si sæpius redierit, habemus enim observationes malum uno die sæpissime reiterasse. Trincavall. consil. 25. l. 1. narrat de puero qui singulis 15 diebus Epilepticus concidebat, sed quo plura pharmaca exhibuerunt eo affectus magis crevit, ita ut in 24 horis paroxysmos haberet plures centum & quinquaginta, leves tamen, quia parva commotio capitis cum bulla circa frena labiorum aderat. Unde tandem cognoverunt morbum esse non per affectum capitis sed per consensum à ventriculo, quare cum illum pharmacis exagitare desisterent & roborarent puer egregie convaleuit. Huc usque Trincavell. Non ita pridem Exc. Dn. D. Hœrman. Pract. Augustæ v. felicissimus literis observationem communicavit nobis tanquam suo cognato filiolarum duntaxat septimanarum natæ quæ unica die quaterdecies convulsionem Epilepticam passa est. Pueris & senibus morbus ferè est lethalis, cum sint debiles, nec remedia illa ferre queant, sed habeant poros & fibrarum situs parum mutabiles. Quando ulcera in pueris

erum-



erumpunt experientia teste quotidiana præsentē Epilepsia aut Epilepticis pueris bonum signum esse dicimus. Absit interim ut prorsus nullam habeamus spem salutis; statuamus potius Epilepsiam recentem Symptomatibus non adeo diris stipatam Medici in potestate ratione curæ maximopere esse. Cum tamen Medicus non verbis, uti superstitiosum illud hominum genus sed medicamenti illi resistere debeat. Videamus paucis quibus instructus esse debeat armis ad hostem adeo insensum victoriosè debellandum.

## X X I.

In Curatione autem hujus affectus observandæ sunt causæ quas recensuimus, illis enim sublatis tollitur effectus. Inter causas autem numeravimus Meconii stagnationem nimiam, alvi obstructionem; hæ si peccent evacuantia, leniterque purgantia adhibenda statuimus. Ita optimum est si evacuentur primæ viæ, tam per vomitum quam per secessum. Infantibus applicari possunt ab initio, cum enim eorum corpuscula nimis sunt debilia, & fortioribus vix tractari poterunt, suppositoria ad alvum movendam ex trochisc. alhand. hiera, cum melle parata. malum si à ventriculo ortum suum ducat, ad Vomitoria Medicus progredi potest, accurata tamen attentione eorum qui curationi suæ se se subjiciunt. Exhibeat nimirum vinum scillitic. oleo Amygdal. recenti admixtum, a. m. Salis Vitrioli à ℥ss ad ʒj. Per alvum si quis desideret purgare neglectis suppositoriis; purgetur cassiâ cum saccharo mixta; hujus enim ope lubricæ redduntur & abstergantur primæ viæ. Conveniens etiam erit si demus pulpam passular. min. c. Syr. de Cichor. Rhabarb. addito item Crem. Tartari. Syr. rosar. solut. ut ita recrementa per alvum tollantur & abducantur.

## X X I I.

Transpiratio deinde ubi erit læsa corrigenda erit, ita recens natis & paulo natu majoribus quo pori ritè aperiuntur, apertique maneat, convenient balnea, ex aqua tepida simplici. cave tamen ne in calore aut frigore pecces, ne quoque timorem immittendo in aquam tuo incutias infanti: nam ex timore aut terrore, non

femel ortam vidimus Epilepsiam. Immissum ægrum in aquam bene abluivolumus, quo id quod intenditur eo melius perficiatur. frictiones linteo calidiusculo, non tamen nimis crasso sed tenui per totum corpus multum hûc faciunt teste experientia. Ubi opus erit ad Medicamenta ut progrediamur in lacte nutricis lenissima dentur sudorifera: convenit hac in parte Crocus. Sal Card. bened. Absynth. Antimonium diaph. C. C. sine Igne, pulv. Marchion. & alia plura quorum copiam hoc in loco ut narrem, vix opus esse duco ne limites disputationis transgrediar.

## X X I I I.

Lac Matris si scateat particulis acidioribus corrigendum erit, ita convenient Matri anisata, fœniculata, s. horum semina post pastum quemcunque comesta. Caveat nutrix ne se ingurgitet nimis acidis cibus, qui nihil aliud nisi lac eadem in forma generare possunt, cæteroquin lac emendari poterit aliquo sudorifero medicamento; ita datur ejusdem liquor C.-C. succinatus Spiritus Salis armoniaci, Salia fixa sudorifica, Terræ acidum imbibentes, ut hoc in casu Terra foliata Tartari, it. lap. Bezoar partes obtinet.

## X X I V.

Succedunt hisce Errata pultis. equidem illa facillime mutari poterunt. ita loco farinæ, sumi potest panis similagineus exciscatus, qui probè tritus lacte in pultis consistentiam redigi potest. miscendo huic vitellum ovorum, & præterea semen fœniculi, Anisi. vid. de hac re amplius loquens Excellent. Dn. D. Etmulleri Practici, Lipsiensis Celeberrimi Valetudnarium infantile.

## X X V.

Cæterum semper & ubique videndum ut acidum nimium peccans in Epilepsia quantum possibile corrigatur, quod optime fieri potest Medicamentis acidum destruentibus visciditatemque tollentibus, uti nil melius quam Salia volatilia esse poterunt in specie



cie tamen oleosa , quæ acida optime corrigunt , referatur huc Spiritus Salis armoniaci anisatus , sceniculatus , caryophyllatus. Optimus quoque est liquor C. C. succinatus. Multa etiam Autores fabulantur multa verè dicunt de appropriatis antiepilepticis , quorum unum aut alterum addere lubuit. Galen. multa l. 6. simpl. cap. de Pœonia dicit , ipsam nimirum collo appensam præcavere ab Epilepsia. quod alii variis observationibus affirmant ; quanquam non collo amant appensam , sed aliis medicamentis mixtam , uti Burnet in Thesauro suæ Medicinæ Practicæ variorum felicissimas allegat observationes. Disquirant autem illi inter se , per nos licebit quonam in anno , mense aut die aut nocte Radix illa Pœoniæ colligi debeat , qui superstitionis illis collectionibus confidere amant. non tamen collectiones non esse cuiuslibet anni tempori accommodatas dicimus , sed superstitionem solummodo rejicimus. Ungulam Alcis commendant plurimi. Forestus narrat quod Empiricus quidam post universalia remedia nucham candelâ cereâ incensâ cauteriâ instar inusserit , & Radices pœoniæ in patella cum butyro frictas continuo dederit comedendas , & ita juniores & magis adultos magna cum admiratione curaverit. Stercus Caponis valde etiam non ab uno laudatur , ab alio prædicatur album pavonis cum successu. vid. Henricum ab Heers obs. 24. pulverem Marchionis optimo successu adhibitum fuisse vidimus & alia plura. ampliorem qui desiderat descriptionem hoc in loco à me non expectet.

## X X V I.

Symptomata quæ forte fortuna occurrunt pro natura horum medicamentis hisce dictis curari possunt. Etenim morbus si duplicatus duplex etiam debet esse Cura. Si febris adest sudoriferis pellenda. Ubi dolores adsunt abdominis opiatîs sistendi. Si dentitio malum inferat illi pro renata occurrendum. tales enim causæ expulsæ ubi erunt & ipsi Epilepsia corpori valedicet. Vermes ubi adesse patet , amara nostra sint remedia & quantum fieri potest , cito , tuto , & jucunde ægrum illis corrodentibus insectis aut animalculis liberemus. & idem intelligi volumus de omnibus Symptomatibus.

Restat itaque ut paucula adjiciamus de Diæta quæ in duplici forma in Epilepsia erit observanda. Equidem cum illud quod Matri nocet etiam infanti noceat, hujus accurata habenda erit ratio. Caveat illa à nimio acido, aut à cibis aciditatem inferentibus viscosis, ut à fructibus horrariis, & reliquis huc facientibus, vitet animi pathemata, v. g. iram, tristitiam, Hippocrates enim ipse dicit omnes fermè Melancholicos fieri Epilepticos. non se ingurgitet nimio Potu generoso aut ardente, uti Vino usto, spiritu Vini anisal. & Vino m. Gallico Sulphure imprægnato. ne se dedat nimix Veneri; Videat ne pedibus nudis in locis frigidis ambulet, aut aquam frigidam manibus tractet. hæc enim uti corpori non conveniunt, ita etiam lactis consistentiam corrumpere poterunt. Ubi se morbosam sentiat à lactatione abstineat, utatur cibis & πέντοις, succulentis, nutritivis, puta lacteis, Schocolata, amygdalatis, jusculis gallinaceis, carne agnino, & talibus. Infans arceatur à nimia suctione, melius enim sæpius aliquid, quam una vice totum gravare ventriculum & ita tam fermentationem, quam digestionem impedire. Utatur aëre paulo calidiore, lavetur interdum aqua tepida, motus cunarum non sit adeo fortis ne nimio motu, præsertim assumpto cibo, ad generandos inordinatos Spiritus corpusculum aptum reddatur. à uimio fletu quantum possibile detineatur; ad iram nec ad immodicum risum non invitetur. Hæc si bene administrarentur Divino annuente auxilio tantas Epilepsias Medicis in Praxi non occurrere videremus. Interim hisce finitis paginis DEO Ter Opt. Maximo sit Laus & Gloria.

F I N I S.